

مرند اۆيکو
Mərənd öykü



ساری
یازار: ایلقار مؤذن زاده

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

سارى ايلقار موذن زاده

باجاسيز بالاچا بىر اوتاقدير. خىردا يوزلوك بىر سارى لامپ يانسادا، اوتاغىن قارائلىغى توز باسمىش لامپىن جانسىز ايشىغىنا زور گلىر. اوزانىب قارايا چالان سارى ديوارا گۆز تىكىرم. باخشىلاريم ديوارى دىرماشىب سقفلە دورا آراسىنداكى جىزىقدا يئربىر، ساعتلاردىر ديوارلا سقفلە آراسىندا گزىشىن بىر مىلچەيىن اوچوشونو اىزلەيىرم. خياوانلاردا آشاغى چەارراھلا يوخارى چەارراھ آراسىنداكى گىچ قىز-اوغلانلارنى فىرلانماسى كىمى، ھەقسىز اوچوشان يالقىز مىلچەكلە داريخمالارىمى پايلاشىرام. سورغولاملار ھەر گون نىچە ساعىت داوام ائدىر:

-آدو ياز

آدىمى يازىرام، نكواريما كىمى بئلە. فېسبوك رمزىم، ايمىل...
-نە جور اولدو؟ ھاردان گلدى؟ ھانسى فېنجان ايدى؟ منە ربطى يوخ ايدى... ھەيە سىن دئەن دى!
پنجرەسىز اوتاقدا، دىمىر قاپى، قارا دۆرەلى قىرنىز داشى، طوسى موكت، بىر جىلد قرآن و بىر جىلد مفاتيح الجنان دان سونرا باشقا بىر شئى يوخدور. بىر چئورەنى رىوايت ائدن ايكى گۆزومدور، بىردە بئىنمىدەكى نياگارا شلالەسى كىمى آخان داريخدىرىجى و قورخونچ دوشونجەلرىم. سىس سىزلىك و قارائلىق، سىندان اوزەرىندە چىرىپلان دىمىر كىمى جىمچەمى سىخىر. گۆزلىرىمى آچىرام. قرآن و مفاتيح سارى ايمىكلەيىب بىراز ورقلەيىب تانرىلا دانىشىغا كىچىرم. سىس قىتلىغى دىر و گۆروننو يوخلوغو. قرآننى تارىخى ناغىللارنىدا ياتان دوشونجەلردە روھوم سىغاللانىر. كىتابى قاتلايىب اوزانىرام. بىر داھا ديوارلاردىر و بئىنمىدە شلالە كىمى فېكىرىمدن آشىب داشان داريخمالارىم.
«يالانچى نە دئىسن دى... بىلمىرم نە جور اولدو، آما اۆزۈ اۆزۈنە اۆلدو.» بئىنمىدەكى سىسلىرى پوزوم دئە جوנו بارماقلىرىمى ائلىە بىلدىيىم قدر قولايغىما سوخورام. بوردان نىچە باش چىخارتىدىغىمى ھىچ بىلمەدىم، ھەر شئى بىر آخلىم (شەھاب سىنگ) سىرعتى و قىسالىغىندا باش وئردى. «آسىلاچاقسان» دئىكلرىندە بوردا كىمىلرىن چوخ مىرت اولدوغونا گولمەيىم گلىردى.
قورخوم يوخ ايدى كى، بوشلايارلار، چتىنى بىر ھەفتە بوردايام.
ديوارلار محلەمىزدە كى بورنو فېرتىقلى ياور كىمى دىر، ھاراسىنا دۆنورم ھەر نە قدر باخىرام يئنە دە اوزومە قايىدىر. توپو ھەيە تىمىزە دوشوب پنجرەمىزىن شىشە سىنى دە سىندىر سايىدى بئلە، يئنە گلىب گۆزۈمە زىللەنىب سىرتىقچاسىنا توپونو اىستەيە جىكدى. چتىن بىر ايش كىمى گۆزۈمە دوران ديوارلار. قاپىنىن آلتىنداكى بىر بارماقلىق فسادان سالوندا يانان آغ مەتابىنىن ايشىغى بىراز قاپىنىن اۋونونو آغ بوبا ايلە ايشىقلاندىرىپ و اوتاغىن سارى ايشىغىلا قارىشىر. ائشىكدە بىر گۆروننو گۆروم

سورغولاما اوتاغینداکی گوندهلیک دانشیقلار بئینیمده دولانیر! دبی بودور ایکی هفته ساخلارلار. یئنه ده بئینیمده نچه نفرین های-هارایی قالخیب، سسلرین یئددی اولی قونشویا کیمی گنده بیلدیینی دیورام. باشیما آغری دوشور، کیمی لری ساواشیر، کیمی لری ده اونلاری آزالاشدیрмаقدا. آروادیمین قیشقیرتیسی، قوجا ننه نین شیونی، شیلله تپیک، قیزیم یئنه ساپ ساری سارالمیش، بورنونون قانی اوستونه تۆکولمه سین دئییه باشینی آغلایا-آغلایا یوخاری قالخیزیر. هئچ بیرینی باشا سالا بیلیمیرم، باغیریرام، آروادیمین کؤهنه رادیو کیمی کسيلمز دئینیمه له رنین سسی بیر قییغ کیمی بئینیمه سوخولوب چیخیر، یالنیز دئینیمه یی باجاریر، ساچلاریندان توتوب دال حه یه طده سوروتله ییرم، هر نه قدر آلتیرام باشا دوشمور نه ایسه! گئجه لر فیسوکا گیرمه ییمه دئینیمه یی لاپ قانیمی قارالدیردی. «خالخین دا اری وار منیم ده!»

3

گتیریرلر. بیر ال دیر، گلیب باجادان سوخولوب وئریب گئدیر. اللر هر ایکی گوندن بیر دهیشیلیر. بیر آغ-آپاق دیر توکسوز و پارلاق، هئج قیریشیغی اولمایان، ایرمی یاشیندا بیر قیز الی کیمی، بیراز ائوه آپاردیغیم ساری ساچلی قیزین الی کیمی. یئمهی آلان لحظه الی توتوب اؤپوب سیغاللاماغیم گلیر، چوخ مهربان بیر ال، بیر ایسه توکلو قهوه ای ال. دیرناقلارینی آی دا بیر سئری توتور، آلتینا قارا چیرک توپلاشاندا سونرا. قهوه ای الین ایکی بارماغیندا یوغون قاشلی اوزوکلری ده وار. بعضا یئمهی وئریب گئری قاییداندا باجانین قیراغینا ایلشیر. بیر سئری یئمهی آلاندا اوستو جیزیلیمیش آغ الین نارین قاسناغینا الیمی چکمک ایسته دیم. نه ایسه و هارداسا ایندی جیزیلیمیشدی. تاکسی دان دوشنده قاپا سورتولوب، بلکه ده بالاجا قیزی یوخسا اوغلو جیزیب. ال بیر آن دونوخدو و بارماقلارینی اووجونا ییغیب اشاره بارماغینی منه ساری اوزادیب، سانکی «گؤزلروو چیخاردارام ها بیر ده منه توخونسان!» سؤزونو دئمک ایسته دی. سونرا دا غضبلی بیر حالدا باجانی باغلایب گئدی.

ناهار یئمیشم. ایندیه قاریشقا اویناتماق واختی دیر. یئردن اون بئش سانت یوخاریدا بیر دئشیه گیر-چیخ دادیلار. یومورتاسی ترسه گلیمیش قاریشقالار. دئشیکدن نارین-نارین قوملاری باشلاری اوستونده گتیریب قرنیزین بیر بارماقلیق فزاسینا تۆکورلر. ایکی آی بویوندا ایشله دیکلری و داشیدیکلاری قوم ایکی قاشیق اولار. یووالارینا دویو حبه سی قوبورام. قوملاری ائشیه داشیب دویونو ایچری سوروتله بیرلر. اوچ دنه قاریشقادیر. بیلیمیرم ایچری ده یووالاری نه سایاقدیر، آما هر حالدا اوچ یاتاقلی بیر یووا اولمالی دیر... تخمینن بیر ساعت وخت آپاریر دویو حبه سین یووالارینا سوروتله سینلر. ایندی یقین ساری ساچلی قیزین گؤده سی ده قاریشقالار یوواسی اولوب، ائوه آپاردیغیم او بیر دؤرد دنه ساری ساچلی قیز اؤلمه میشدی، آما بیلیمیرم بونا نه گلدی! ایندی یقین قاپیسیندان گیریب باجاسیندان، بورنوندان گیریب گؤزوندن چیخیرلار، دوداغینی... حئیف ساچلارینا، یوخ... ساچینا بیر ایش گؤره بیلملر، آما فکر ائله میرم اوزو، دوداقلاری، یاناقلاری ایندییه کیمی قالسین! گئندن گؤرن «مظلومدور» دئیر بو قبیرلرده آدام یئنه قاریشقالاری! ساچلیمین اوغروسو اولدوغونو دوشوندیومده قاریشقالارین اوچونده اشاره بارماغیملا ازمه ییم گلیر، آما هله لیک منی یالقیزلیقدان چیخاردیرکی، گئنده اؤلدوررم. هردن قاریشقالارین بیر قارا قرنیز داشین اوستوندن کاریخیب ایره لی له نیب، یئرده طوسی موکتین اوستونه دوشور. بیزیم اؤلچوده سانکی انسان آلتی قاتلی بینادان یئره دوشور. آما قاریشقایا هئج نه اولمور. نه قیچی سینیر نه توپوغو چیخیر. آیاق یالین جورابسیز باشماقسیز آدام یئنه زهلم گئتمیش قاریشقا! ایکی ساعت دن چوخ چکیر اون سانتلیق قرنیز داشی یوخاری قالخیب یوواسینا قایتسین. هئی زوبروشوب یئره دوشوردو. اؤنجه «ناپلئون بناپارت» یادیم دوشدویونده اوغروسوز چیخمالارینا گؤز تیکیردیم. آما دؤزه بیلیمه ییب، باشیمی بیر تهر قال ائله مه لی ایدیم. پلاستیک قاشیغی قاریشقایا

ساری اوزاتدیم و قاشیغا میندیریپ، یوواسی آغزیندا یئره سالدیم. «قوی قالسین! هه، قوناق اولئی، گئت سونرا وئرسن» کرایه اوستونده تعارفلاشیردیم. سسیمی باشیما آتمیشدیم. باجا آچیلیب قهوه‌ای ال اوتاغا سوخولدو، «دئییه سن جانون قاشینیئر»، بارماقلار بیراز منه هده بیچیب باجادان گئری قاییدیب گئتدی. اوندان سونرا قاریشقالارلا داها یاواش دانیشماغا آلیشدیم. پلاستیک قاشیغی قاریشقالارین آسانسورو اولاراق یووانین قیراغینا قویوب، اونلاری آشای-یوخاری آپاریردیم.

ناهار چاغیدیر. بوگون قهوه‌ای الین شیفتی دیر. یئمکدن بیر ساعت سوووشمامیش باجانی آچیب ایچری گیردی. گۆزباغلایانی وئریپ «باغلا گۆزووه» نی بارماغیلا اشاره ائتدی. بویون دیرناقلارینی توتوموشدو. آغ الین ترسینه اولاراق چوخ عصلی و دهشتلی ایدی. پارچانی گۆزومه باغلاییب حاماما آپاریپ، قایتاردی. اوزانیپ باشیمی قارا پتونون اوستونه قویورام. آزی بئش دنه قارا قویونون یونوندان چیرپیلیپ، دوزلمیش پتو. قویونلارین قیرخیلان لحظه‌ده کی های-هارایلارینی انشیتیمک رؤیاسینا دالیرام. اوچ آیدان چوخدور بوردا اولدوغوم. سسلری زادی اونودموش کیمی، هر هانسی آغزیمدان بدنیمدن چیخان سسندن سونرا قولقلاریم باشقا بیر سسه یئریکله‌ییر. یئنه ده قیچ آغریم توتوب. باشیمی پتونون اوستونه بؤیرو اوسته قویموشام. قولاغیم قاتلانیپ و باشیمین آلتی لا پتو آراسیندا سیخیلیپ، دئشییی توتولور بو حاللاردا اورک دؤیونتولریمین نبضینی قولاغیمدا دویورام. نفسلریم ساییلیپ. دوروب اوتورورام. بوگون آغ الین شیفتی دیر. گلیب باجادان ایچری گیریر و گۆز باغلایانی وئریک اشاره بارماغینی گۆزومه ساری توتوب، آشای یوخاری آپاریپ. «اونسوزدا ائله بیلیرم کی اونو گۆزومه وورمالیام و پانتومیم ایضاحی لازیم دئییل.» دئییرم اوره‌ییمده؛ گؤبود و تیریشکله‌لی قهوه‌ای ال سانکی ایندیجه درگز وورماقدان قاییدیب. دانیشیق اوتاغینا آپاریپ. سورغولایان کیشی چوخ مهربان بیررسی ایدی، ایستی و سئویملی سسی همیشه اومود وئریجی ایدی:

-هاردان تانیش اولدوز

-اینترنت دن، اوتوز زاد یاشی اولاردی، خبریم اولمادی کی. صوب دوردوم هئله گۆردوم سانکی سورغولایان کیشی او بیرى دؤرد دنه ائوه آپاردیغیم قیزدان دا خبری وار ایدی آما اوستونو وورموردو، بلکه ده بو کیشی همین آغ ال ایمیش. ساری نی دوشوندویومده اوره‌ییم سیخیلیپ. گۆزل بیر قیز ایدی. ماوی گۆزلو. آخشام نئچه ساعت اوتاغیمدا دانیشدیق، قهوه‌سینه نئچه دنه یوخو داواسی قاتمیشدیم، آما یوخو داواسی اؤلدورمز کی، گونده من اؤزوم لاپ بئشینى ده آتیردیم. قاییداندا هانسی داوالاری قهوه‌سینه قاتدیغیمی دقت ائتمه‌یی دوشونوردوم، یالنیز اونون درین یوخویا دالماسینی ایسته‌ییردیم. یوخولو قیزلارلا داها راحت اولوردوم. او بیرى لری سحر دوروب گئدیردیله، آما بو سونونجوسو! سحر قورو گۆوده‌سینی یاتاغیمدا بؤیرومده گۆردوم،

چاغیدیر. هرهنین درین قدیمی میس کاساسی وار و اوندا یئمک یئیر. سودا پیشمیش یئرآلما ایله یومورتانی سویوب، ازیب بلله لیه ییریک. علی موجی نین بیر مئتیر دوخسان زاد اوجالیغی اولار. او بیر ی قولوندا غصبلی بیر قارتال شکیلی دؤیولموش، ساغ بیلنگینه همیشه بیر یزدی دستمال دولاییر. «توالنته گئدیم، گلیم» دئیر. سیام ساللاخ یاواشجاسینا بوینونو ایره لی لهیب دئیر «عمو! سیملری قاریشاندا هئچ کیمی تانیمازهاااااا.» «آدی موجی دی نیه؟» دئیریم. «اوشاقلیغیندا نه سی اؤلنده او قدر باشینی قیر داشینا چیرپب کی قاریشدیریب» دئیر. بوردا بیر تهر باشیمی ساخلاییم دئی، علی موجی له آرانى سازلاماغى دوشونوردوم، توالتین سالونوندا گۆی کاشی لی ستونا دایانیب بیر سیگار آلیشدیریرام. او بیرى دؤرد دنه ده اوزه چیخسا قورتاراجام اولمایاجاق دوشونوردوم، آما سورغولایان اونلارین هئچ اوستونوده وورمامیشدی، بلکه ده بیلیندیرمه بیر و سوندا اورتایا چیخاراجاق! قورخو بیت-بیره کیمی جانیم دوشموشدو، سیگارین سونلاری دیر، سیام ساللاخ یاخیلاشیر:

-گورم او اوتوو!

سیگارینی آلیشدیریر.

-کارتیندا یول اولار؟

- نئے؟

بیراز یئمک آلاچیوخ.

«اولار دئديم ايكراه لا!» باشقا چاره‌م يوخ ایدی. بیری پول ایسته‌ینده ناموس یامانی کیمی آلیردیم، ساری ساچلی‌لارین‌دا ایکیسی‌له پول اوستونده ساواشدیغیم یادیم‌ا دوشور...اؤنجه پول سونرا...

بیر هفته دیر بورداييم. يوزمين زاد پولومدان گنديب، سيام و علي گيلين گونده کي خرجلري منه دوشور، اما علي له آراني سازلاميشام، علي يه هر نه يي دئيميشديم، اودا هئج نه دئمه دن يالني ز قولاق آسميشدي، هميشه ليک بوردا قالما لي اولدوغومو بويون بيلميشديم. آياقلا ريم کنييب، بئني مده کي ساواشان آداملارين سسي شيدت لنميشدي. آياغا دوروب سالونا، تواته زادا گئنده گؤزوم قارالير، هر يئرده بيردن دا يانيب يئره اوتوروردوم. بوگون موقتي اولاراق ائشيه چيخاريلاجا قديم. علي اصلا دانيشما زدي اما هاوامي ساخلارد ي چيخاجا غيم گونون سحري سي مني کوريدوردا قيراغا چکيب، «ائشيه چيخدين قالما، گئت، منيم بوکان دا دوستوم وار، چوخ اخي يم بيله سي نن، دئنن علي موجي نين يولدا شيام، هر نه يي او زو يئر به يئر ائدر» شوماره ني کؤينک جيبي مده قويوب بير سيگار آليشديرديم. اما گئده بيلمه رم دوشونوردوم، هر حال دا ساغول دئديم. ساغوللا شديق...

شهر تزه پير اۆلكه كيمى، تائىنماز و اۆزگه ياناشىردى منه. تاكسى لار، تىزىر تلوزيون لارىنداكى

تېلېغۇلار، كەف اصحابىنىن دويغولارى كىمى بىر شىئى. يىددى آى، يىتمىش ايل سوووشوب. موبايلىمى اليمده قوردالايىب خىيابانى اوتايا كىچىردىم، سارى نىن سون مئسازلارنى اينجه لىم دئيه، «ئوى بوشالت صباح گىجە اون بىردە گله جم» يىددى آى بوندان قاباغىن مئسازى ايدى، آروادىمى ننه سىنىن عىادتى بهانه سىله، «گىت صباح دا من گله جه يم» دئىب كنده يوللامىشدىم. آياغىنى ساخلاجا و الينى سىقنالا باسمىش كۆهنه آغ بىر پۈنون ترمىز لا اۋزومه گلدىم، قولايىمىن بۇيروندن وىزىلتىلا سووشموشدو. شوفرشاگردى طرفىندن بىر باش ائشيه چىخىب بىر ايكى ياغلى يامان دئىب قورشون كىمى سووشموشدولار. بو يىددى آى دا حتى بىر دۆنه ده اولموش اولسا سراغىمى توتمايان آرواد، يقىن ايندى كنده دده سى ائوينده اولمالى ايدى. بوشانمىشدى بلكه ده. هرگون قزىته آلدىغىم دكه چى اكره لا منى گۆرمك اىسته دى. باخىشلارنى اوغورلايىب قزىته لره گۆزونو تىكدى، يانى كى منى گۆرمه دى! بىر جزامى نىن دويغوسوندا اولماغى ياشايردىم. تار-تانىش بىر جورلوكله ائله ياناشىب يانىمدان سووشوردو كى سانكى منى گۆرمه دى. باش چهارراه دا كى الدە سىگار ساتان لال دكه چيه ياخىنلاشىب ايكى گيله كىت اىسته دىم. دوداغىمدا سىگارىمى آلىشديراراق، اوجا سىسلە «آبه...آبه!» دئىب باشىنى بوللالايىب دوداغىنى بوزدو. سىگارا درىن بىر پوك ووروب گولومسەيىب وداعلاشدىم. ئوه گىتمك اوچون تاكسى دوراغىندا دا ياندىم، اوشاقلىق محله يولداشيم بهرام سىبىل ده دورا قدايدى، اويان-بويانا باخىب ياواشجا ياخىنلاشدى، «اده لامصب اۋزو يامان ايشە قويوبسان ها، قارداش من دئيه ن اولسا چىخ گىت قالما!» و... ناھار چاغى ساىخىنلىقدان كوچه ده ايت اولاييردى، قاپىنى آچىب ئوه گىردىم. آروادىم دده سى ائوينه گىتمىشمىش، بىر چوپ ده قويما مىشدى، هر نه يى سوپوروب آپارمىشدى. آشپزخانه ده چوروک كابىنتلر قالمىشدى، قاپىسىنىن آشاغى لولاسى چىخمىش كۆهنه سوپودوجو، سارى لارى آپاردىغىم اوتاغىن لامپىنا كىمى آچىلمىشدى، حەيه طە چىخىب ايواندا پلەده اوتوردوم. ئو بوم-بوش ايدى و بىر سارى ئوه گىترمه يە ياخشى بىر واخت، آجى بىر گولومسەمه سىچرادى دوداغىما، اورەيىم قىزىشان كىمى، اللرىم اسدى! بىر سىگار آلىشديردىم. پلەلرىن قىراغىندا كى اوچ دنە تورپاغى آغارمىش گلدانىن يانىندا اوتوردوم، گولون بوداغى قوروموشدو. نەم يادىما دوشدو. حەيه طىنىن قبالەسى منىم ائشيكده اولماغىم اوچون گىروو قويولموشدو. گىتمەيى دوشونوردوم، هئچ كىمى گۆرمەدن! قوجا نەم سكتە زاد ائلەر اۋلر. طايفە اوزومه توپورەجك؟ قىزىم دا كى هئچ! ۱۲ ياشىنا كىچىدن آغلى بعضى شىئى لرى كسىر. كنده گىتمەيى دوشونورم، آروادىم گيله، نەم ھاراي چكىب آغلاير بئىنيمده، آروادىم قىشقىرىر، قىزىم باشىنى قاپا چىرپىر، قايىنلارىمىن اللرىندە پىچاق آرخاما دوشوب داردودوك كوچه لردە قووالايرلار، بىر چىخماز كوچه يە گىرىم. پىچاقلايىب يئردە اوزادىبلار، قونوم قونشو فار-فامىل ھامىسى جنازەمىن اوستونە توپورور،

الیمی باشیما چیرپیرام، بئینیمده کی سسلری سیلیب، فیکریمی بیر یئره توپلاییم دئییه. الیمی پنجه ییمین جئینه سالیب بالاجا آینانی چیخاریب اوزومه زیلله نیرم. آینادا اؤزومو گۆرنده باشیمدا کی سسلرده پوزولور. آخشام اوستو دور. هاوا قارانیقلاشماق اوزره، خیاوانا چیخیرام. عسگر چئنانین مئیدان قیراغیندا کی سیگار دکه سینه چاتیرام. بیر سیگار آلیشدیریپ کۆهنه قالایا ساری گئدیرم.

گوندوزلری یوخو داواسی آتیب گنجه لری بايقوش کیمی چیخیب داردودوک کوچه لری شهر قورتارانا کیمی دولانیردیم. محله باشیندا کی مشه باباخان دان ایکی دنه کلوچه کارتونو آلیب اوتاغا سرمیشم. آخشاملار کوچه لری آدیملاییرام. سیگار چکیب دار باجالاردان گۆرسه نن ائولرین اوتاقلارینا بویلانیرام. ماوی گۆز ساری ساچلی گۆزل بیر قیز گۆروم دئییه. اونون کیمی بیر قیز. مدرسه یه بیرلیکده گئتدیییمیز گونلر کیمی، ال-اله وئریب ائوه قاییداق، اون ایل سنوگی یاشاتسا ییدیق دا، آما چیخیب گئتمیشدی، اوزاق بیر شهره، «اونوت هر شئی» دئیمیشدی... نچه گوندور یاتا بیلیمیرم. یوخو داواسی آلمیشدیم. بیر دنه ده ساری ساچلی تاپسایدیم داها همیشه لیک گئدردیم. علی موجی نین بوکان لی یولداشی نین شماره سینی یوخلادیم. آدی کریم ایدی، گئتمک ایسته سم اونون یانینا گئتمه لی یم، منی مرزدن انشیه چیخاردا بیلردی، بئش میلیونا زادا باخا قادی، الیمی کۆنک جییمه سالیب شماره سنین جییمده اولماغینی سینادیم. سحر چاغی ایدی، یاتاماق اوچون ائوه قاییدیردیم.

هله فیسبوک دا کی قدیمی دوستلاریمین ایرمی سینین چیراغی یانیر. او ساری ساچلی قیزین فیسبوک چیراغی ایسه سونولو. اونون آدینا یئتیشنده خشی سی دی کیمی اولوردوم. بیئیم خیشیلدا ییردی.

تخمینا اوج آی زاد اولاردی کی همیشه لیک سؤنوب. عینا او بیرى دؤرد دنه ساری ساچلی قیز کیمی. گنجه لر سحره کیمی دانیشدیغیم، سسی، گۆزلری، اندامی، هر شئی. اوشاقلیقدا کی سنوگیلیم له سنچیلیمیردی. اون-اونایکی یاشیمدا کی سنوگیلیم. گیزلین پالانج اوینایاندا همیشه ایکیمیزده قاچیب باباخان ایندی توکان ائتدی یی بلوکلویترین آرخاسیندا گیزلنردیک. تاپیلانا قدر قوجا قلاشیب اؤپوشردیک. همیشه دیجاللیق اندیب گۆز یوممازدیق، نه من، نه ده او. دوداقلاری باشی دایره قیرمیزی سورمالارین دادینی وئردی. اؤلردی او آغ ساپلی قیرمیزی سورمادان ساری. آما بؤبودوک، اوزاق بیر شهره تحصیل اوچون گئتدی، همیشه لیک! یوخو داواسیندان نچه سینی آتیب یاتمیشدیم. گنجه ساعت ۱۰ زاد اولاردی. یوخودان دوردوم، صبحانه نی یئییب انشیه چیخدیم. نچه گنجه سوووشوب، آما یوخوسوزلوق اینجی دیر. گوندوزلر یاخشی یاتا بیلیمیرم. داوالاریمی چوخالتمیشام. یاخشی و راحت یاتا بیلیم دئییه، بیر ورق اولوب. ایکی دنه ده یخچالدا کی آغری داواسیندان، ایکی دنه ده سینمه مین چیرکینه داوا، داوالاری اسمارتیز کیمی

اووجوما ييغىردىم نىچە گون ايدى. گىنچەنى صوبىچە كىمى دولاندىم. صاباچىسى دا يوخوم
 گلمەدى. سحر تىزدن شەھردە دولانىردىم. داھا ھىچ كىم مىندن قاچمىردى. سىد قفەسىنە گىتتىم.
 تانىشلاردان نىچەسى اوردايدى. مىندن دانىشىردىلار. سلام وئىرىب بوش مىندل دە اوتوردوم،
 سانكى مىن يوخ كىمى بىر شىئى، دىندىرىب دانىشىدىرمدان سلامىمى دا آلمادىلار. كوسوب
 يامانلايىپ چىخدىم. بوش مىزى آشىرىپ دىشىمىن دىيىندن چىخان سۆزلىرى دىلىمىن آلتىندا
 دئەرك ائىشە چىخدىم. تاكسى يا دايندىم قوجا خالام يادىما دوشىدو، مىن تومىن وئىرىب، «مىنى
 ولى آبادا آپار» دىدىم. خالام گىلە كىچدىم. ايكى قىچىنىن آراسىنداكى يئە سىرمىش سىزىنى
 آرىتلايىردى. سلام وئىردىم. ھىچ باشىنى دا قووزامادى. اورەيىم دولموشىدو، گۆزلىمە بئە.
 چىخىپ ائە سارى قايتىدىم. ائە كىچدىم، پلاستىك بىر توپ دوز گلدانلار مىن دوشىدو. قاپىمىز
 چالىندى. ھەيەت دە ايدىم. قاپا سارى گىتتىم آما ھەر نە قدر چالىشىدىم آچىلمادى. بىرازدان
 سونرا دىوارىن اوستونىدە يورى گۆردوم، مىنى ھىچ وئىچىنە سايىمادان توپونو گۆتورمىك اوچون
 ھەيەتە دوشىدو. اوتاقدان ايچرى بويلاندى، مىن دە اونون آرخاسى سورە، اوتاغا گىردى،
 قىشقىرىپ توپو يئە آتەپ دىشتىلى چىغىرتىلارلا كوچەيە قاچدى... بوش اوتاقتا كلوچە كارتونو
 اوستودە بىر نفر اوزانمىشىدى. مىنە بىزەيىردى، چوخدا عىب بىزەيىردى، ياخىنلاشىدىم. سىچانىن
 بىرى قولاغى يانىندان بىر دە سىنەسى اوستوندن يئە آتەلىپ قاچدى. قوپ-قورو تاختا كىمى
 اوزانمىشىدىم، ھىچ كىمىنە خىرى يوخ. بىر ھەفتەلىك اولاردىم...!
 سىرىسى مىلە قونشولارى باسدىرمىشىدىلار، قارىشقالار مىن قونشولوغوندا، باجاسىز بالاچا
 اوتاغىم كىمى، ھىچ بىر خىردا سارى شىمە يانمادان دا، قارىشقا قوناقلىغىدىر. قاپىمىدان گىرىپ
 باچامىدان چىخىر. اوتاقتا اولاركن او اوچ قارىشقانى اۆلدورمەدىمىن ھىسرتى لاپ دارىخدىرىدى...